

Bosna i Hercegovina
Federacija Bosne i Hercegovine
KANTON SARAJEVO
KANTONALNA JAVNA USTANOVA
„GERONTOLOŠKI CENTAR“
S A R A J E V O

Broj: 20-04- 280 /26.
Sarajevo, 22.01.2026.god.

Na osnovu člana 4. Zakona o plaćama i naknadama u javnim ustanovama iz oblasti socijalne zaštite u Kantonu Sarajevo („Službene novine Kantona Sarajevo“ br. 17/15 i 18/22), člana 42. stav (2) alineja m) Pravila Kantonalne javne ustanove „Gerontološki centar“ Sarajevo broj: 07-1070/13 od 26.11.2013.god., broj: 13-999/19 od 15.07.2019.god. i broj: 16-1739/22 od 05.12.2022.god., i Aneksa I Kolektivnog ugovora za službenike organa uprave i sudske vlasti u Federaciji Bosne i Hercegovine („Sl. novine Kantona Sarajevo“, broj: 1/24), direktor KJU „Gerontološki centar“, d o n o s i:

O D L U K U
O UTVRĐIVANJU OSNOVICE ZA OBRAČUN PLAĆE RADNIKA
KJU „GERONTOLOŠKI CENTAR“ ZA 2026. GODINU

- 1. UTVRĐUJE SE** osnovica za obračun plaće zaposlenika Kantonalne javne ustanove „Gerontološki centar“ Sarajevo, za **2026. godinu**, u iznosu od **420,00 KM**.
- 2.** Zaposlenicima KJU „Gerontološki centar“ Sarajevo, **osnovna plaća se povećava za 10%** u skladu sa članom 1. Aneksa I Kolektivnog ugovora za službenike organa uprave i sudske vlasti u Federaciji Bosne i Hercegovine. Ukoliko se osnovna plaća isplaćuje u iznosu od 70% prosječne neto plaće isplaćene u Federaciji Bosne i Hercegovine, prema posljednjem objavljenom statističkom podatku, u tom slučaju se na taj iznos vrši uvećanje plaće za 10%.
- 3.** Pravo na povećanje plaće iz tačke 2. ove Odluke utvrđuje se za period od 01.01.2026. god. do 31.12.2026. godine.
- 4.** Za realizaciju ove Odluke zadužuje se Služba materijalno-finansijskih i računovodstvenih poslova KJU „Gerontološki centar“ Sarajevo.
- 5.** Ova Odluka stupa na snagu danom donošenja.

O b r a z l o ž e n j e:

Članom 4. Zakona o plaćama i naknadama u javnim ustanovama iz oblasti socijalne zaštite u Kantonu Sarajevo propisano je da se osnovica plaće zaposlenih u javnim ustanovama utvrđuje odlukom koju donosi Vlada Kantona Sarajevo, uz saglasnost sindikata ili vijeća zaposlenika, prije donošenja Budžeta i u skladu sa članom 5. stav 3. Zakona o plaćama i naknadama u organima vlasti Federacije Bosne i Hercegovine.

Članom 18. stav (2) Zakona o izvršavanju Budžeta Kantona Sarajevo za 2026. godinu („Službene novine Kantona Sarajevo“, br. 52/25) propisano je da se osnovica za obračun plaća u iznosu od 420 KM utvrđuje za budžetske korisnike kojima se plaće propisuju Zakonom o plaćama i naknadama u organima vlasti Kantona Sarajevo („Službene novine Kantona Sarajevo“, br. 5/19, 40/22 i 6/25). Stavom (3) istog člana propisano je da se osnovica za obračun plaća za ostale budžetske korisnike, za koje osnovica za obračun plaća nije utvrđena u stavu (2) ovog člana, utvrđuje u skladu sa potpisanim kolektivnim

ugovorima između Vlade i sindikata, sporazumima o osnovici za obračun plaća potpisanim između Vlade i sindikata i propisima kojima se regulišu plaće tih budžetskih korisnika.

Imajući u vidu da Odluka Vlade Kantona Sarajevo o utvrđivanju osnovice za obračun plaće za 2026. godinu nije objavljena, te da nije potpisan sporazum o utvrđivanju osnovice između Vlade i Sindikata, to će se primjenjivati osnovica u iznosu od 420,00 KM, utvrđena Zakona o izvršavanju Budžeta Kantona Sarajevo za 2026. godinu.

Aneksom I Kolektivnog ugovora za službenike organa uprave i sudske vlasti u Federaciji Bosne i Hercegovine, propisano je koliko, na koji način i za koji vremenski period se povećava plaća zaposlenika za službenike organa uprave i sudske vlasti u Federaciji Bosne i Hercegovine.


Imajući u vidu naprijed navedeno, odlučeno je kao u dispozitivu.

Dostavljeno:

1x Sl.fin.rač.posl.Geront.Centra

1x Služba za pravne i opće poslove Gerontol.centra

1x a/a



DIREKTOR

Musa Mirza